

et disceptabo cum eis. Ergo qui non sunt capaces discussionis, non congregabuntur ut judicentur; tandem omnes, qui judicantur, vel admittuntur ad beatitudinem, vel mittuntur in ignem æternum, Mat. 25, Apoc. 20; ii autem parvuli neque ad beatitudinem admitti sunt, neque in ignem mittendi; non ergo judicabuntur. Ultimo confirmatur, quia non videtur expediens ut ii parvuli intelligent causam suæ damnationis, quia non posset hæc cognitio non afferre eis magnam tristitiam et dolorem, quæ poena non est proportionata eorum culpæ. Quia, sicut non contraxerunt culpam propria voluntate aut voluptate, ita suscepturi sunt poenam sine tristitia et dolore. Propter quod graviores Theologoi sentiunt eos non esse damnandos poena sensus. Propter has similesque rationes, quidam negant hos parvulos esse judicandos. Durand., in 2, d. 33, q. 3, et Carthus., in 4, d. 47, q. 1, ubi in eamdem sententiam refert Albertum, qui non solum negat hos pueros esse judicandos, sed etiam in judicio comparituros. D. Thomas autem, in 4, d. 47, q. 1, a. 3, q. 1, ad 3, dicit, *quod pueri ante perfectam atatem discendentes in judicio comparebunt, non autem ut judicentur, sed ut videant gloriam iudicis.* Idem significat q. 5 de Malo, a. 3, ubi negat parvulos habituros cognitionem gloriarum quam Sancti possident, et ipsi amiserunt, et cause propter quam visione divina carebunt. Quapropter hæc sententia probabilis est.

2. Infantes in originali decedentes in judicio universalis judicandi. — Nihilominus contraria sententia magis probanda videtur, quam tenet Bonav. in 4, d. 47, a. 1, q. 3, et ibi Sot., q. 2, a. 3, ad 2, ubi dicit hos parvulos non esse judicandos judicio discussionis, sed damnationis, vel approbationis, si justificati fuerint. Quam tamen sententiam nec ratione, nec auctoritate probat; et dist. 47, q. 1, a. 3, sentit hos parvulos judicari in morte judicio particulari, et a dæmonibus deferri in limbum; hoc vero posterius non videtur admodum verisimile. Pro hac etiam sententia referri potest Cajetanus, qui supra, q. 52, a. 2, docuit, Christum, descendendo ad inferos, habuisse effectum in animabus horum puerorum, eosque redarguisse de malitia originalis peccati, et carentia fidei; ergo multo majori ratione diceret esse judicandos a Christo in die judicii. Possunt pro hac sententia ciari Gregor. Arimi., Driedo, et alii, qui affirmant hos pueros esse puniendos poena sensus et igne gehennæ. Nam hinc optime con-

sequitur fore judicandos. Et ita procedit Somnius, tract. de Extremo judic., c. 6 et 7. Post præterea hæc opinio fieri verisimilis ex illis verbis Apoc. 20: *Vidi mortuos magnos, et pusillos stantes in conspectu throni;* et postea dicitur de omnibus esse latum judicium. Item ex illo 2 ad Cor. 5: *Omnis nos manifestari oportet ante tribunal Christi, ut referat unusquisque prout gessit.* Nam his verbis, *prout gessit,* comprehenduntur non tantum opera, sed simpliciter omnia media per quæ homines salvari possunt vel damnari, et ita comprehenduntur actions et receptiones sacramentorum, et omissiones seu carentiae, et ita comprehenduntur tam parvuli quam adulti omnes. Præterea, ex Augustino, lib. 5 Hypognost., post medium, ubi docet hos parvulos esse ad sinistram constituendos. Item later. 14 de Verbis Apostoli. Verum est, Augustinum interdum videri exceedere in assignanda poena et damnatione horum puerorum; significat enim eos esse puniendos igne inferni. Sed illa sententia et ab Scholasticis merito rejecta est, et ad præsentem quæstionem non est necessaria, etiam secundum Augustini mentem. Nam lib. 3 de Liber. arb., c. 23, plane docet hos parvulos esse judicandos, et sententiam judicis respectu eorum futuram medianam inter præmium atque supplicium, scilicet, ignis et gehennæ quod poenam sensus. Præterea, ex Gregor., lib. 9 Moral., c. 12, alias 16, ubi agens de Christo in generali judicio stricte judicante: *Quosdam (inquit) tunc reatu culpæ originalis astricatos etiam sine operibus damnat, quod late prosequitur. Tertio, adjungi potest ratio, quia imprimis ad gloriam Christi spectat ut ab omnibus, etiam ab iis parvulis, eo die adoretur, et ut princeps ac supremus judex agnoscat; ergo apparentur ii parvuli personaliter in judicio. Rursus, agnoscunt quid ibi agatur (non enim carituri sunt sensu et cognitione); videbunt ergo (sicut cæteri homines) Christum in sua gloria et majestate, alias quomodo eum colerent? Videbunt etiam damnatorum ignem, abjectionem et cruciatus; parique ratione cernent alios ad altiorem gloriam ac felicitatem evenihi; ergo intelligent hæc omnia justo Dei judicio fieri. Quia hoc etiam spectat ad perfectionem judicii, et ad justitiam divinæ integræ et absolutam manifestationem; ergo, cum videant se esse veluti in quodam statu medio constitutos, quia neque igne punientur, neque ad superiorem illum et felicissimum statum assumentur, intelligent hoc secum fieri.*

servata justitiae æquitate; ergo ad hoc saltem necesse est ut judicentur.

3. Objectio. — Responso. — Dices, ad hoc satis esse ut intelligent se nihil boni egisse vel mali, et ideo nec poenam sensus, nec gloriam recipere; non tamen necesse esse ut intelligent propter culpam privari gloria, quod est proprie judicari. Respondeo hanc partem esse magis dubiam; nihilominus probabilius videri, etiam hoc esse cognituros, quia etiam pertinet ad Dei Christique gloriam ut hoc cognoscant. Primo, ut intelligent Dei beneficium, quod prius in Adamo, et postea in Christo suscepserunt, et eum hæc ratione colant ac venerentur. Deinde, ut justitia et misericordia Dei, et admirabilis ratio providentiae ejus omnibus manifesta sit. Item quia videbunt alios parvulos, qui nihil etiam propriis actibus meruerunt, felicitatem consequi; ergo oportet ut hoc juste fieri intelligent. Denique, quia (ut postea dicemus) verisimilius est cuncta hominum opera ibi esse omnibus manifestanda; ergo etiam lapsus Adæ, et gravitas ac circumstantiae ejus adducentur in judicium et notitiam omnium qui aderunt. Necesse est etiam ut in eo judicio saepè fiat mentio redemptionis Christi, per quam et justi salvantur, et reprobi, qui eam contempserunt, gravis damnantur; ergo necesse est ut ii parvuli, qui præsentes aderunt, hæc et similia cognoscant. Nisi quis velit fingere aliquo inusitato modo fore a Deo impediendos, solum propter vitandum eorum mœrem et tristitiam de beatitudine, propter culpam ex primo parente contractam amissa. Quæ ratio non videtur esse tanti momenti, ut nos cogat ad confingendum aliquid inusitatum ac singulare sine alio fundamento. Neque deerit commoda responso, ut statim dicam.

4. Objectio. — Responso. — Sed objicies, nam originale peccatum, Christi redemptio, et alia hujusmodi non possunt cognosci nisi per fidem vel aliam cognitionem supernaturalem; sed ii parvuli nūquā habuerunt fidem vel aliam supernaturalem cognitionem; ergo non cognoscunt hæc omnia. Respondeatur, idem argumentum fieri posse de aliis reprobis infidelibus. Dicendum est ergo hæc posse cognosci per evidentiam signorum, absque supernaturali fide, sicut *dæmones credunt, et contremiscunt;* et hi parvuli cognoscunt Christum esse verum Deum, non supernaturali cognitione, sed quadam evidenter signorum et effectuum, quos partim audient, partim videbunt.

5. Responso ad argumenta in oppositum. — Ad rationem ergo dubitandi in principio positam jam ostensum est quia ratione expediat hos parvulos judicari, et audire sententiam damnationis suæ. Neque refert quod non commiserint actuale peccatum, sed solum contrixerint originale (quod est per modum habitus) ex Adamo. Quia, sicut hoc sufficit ad damnationem parvolorum, juxta illud *Nisi quis renatus fuerit ex aqua et Spiritu Sancto, non potest introire in regnum Dei,* et illud: *Qui non crediderit, condemnabitur,* ita etiam sufficit ut judicentur. Præsertim quia habituale peccatum, seu status peccati, quantum est vera culpa, et sufficiens ratio excludendi a regno, ad judicium deferri debet, ut in eo constet et talem culpam vere fuisse in homine, et durasse usque ad mortem; utrumque enim necessarium est ad justam damnationem.

6. Ad primam confirmationem, imprimis jam declaratum est quomodo loca Scripturæ ita possint intelligi, ut in convocatione hominum ad judicium parvuli comprehendantur. Deinde dicitur Scripturam sacram non narrasse ibi omnia quæ in illo ultimo judicio fient, sed ea quæ futura sunt præcipua, quæque ad hominum terrorem et correctionem maxime conferre possunt. Et ideo præcipue commemoratur sententia et poena, prout ad adultos pertinet; non vero excluduntur reliqui. Sicut etiam dicitur Matth. 25, ferenda sententia propter peccata contra misericordiam; non tamen inde fit non esse etiam ferdam propter alia peccata.

7. Ad secundam confirmationem varie respondent Doctores. Quidam enim existimant non esse inconveniens, sentire eos aliquam tristitiam de justitia et beatitudine amissa, ut Abulens., Matth. 25, q. 662; et Sot. indicat, 1 de Nat. et gratia, cap. 14. Alii vero hoc negant, quamvis in modo liberandi eos ab hujusmodi poena sit magna varietas. Quia vero res hæc non est hujus loci, breviter dicendum existimo, partim ex divina providentia, partim ex prudentia et rectitudine voluntatis horum parvolorum, fore, ut non sentiant tristitiam, nec dolorem de beatitudine amissa, sed omnino sint conformes divinæ voluntati, et contenti iis bonis naturalibus quibus erunt prædicti, ut latius in materia de peccato originali dicendum est.

SECTIO VII.

Utrum omnes Sancti homines judicandi sint.

1. Ratio dubitandi sumi potest, primo ex illo Joann.: *Qui credit in eum, non judicatur;* omnes autem qui salvantur, crediderunt; ergo non judicantur. Secundo, potest specialiter dubitari de aliquibus Sanctis, qui corpore et animo cum Christo jam regnant. Nam in iis, sicut est consummatum præmium, ita videtur consummatum judicium; ergo non oportet ut amplius judicentur. Tertio, esse potest speciale dubium de aliquibus insignioribus Sanctis, ut, verbi gratia, de B. Virgine, Joan. Baptista, et similibus, præsentim de iis qui cum Christo futuri sunt judices; quia non videtur expediens ut qui judicat, judicetur. Hac enim ratione Christus Dominus, qui alios judicat, non judicatur.

2. In hac quæstione convenient omnes Theologi, cunctos homines justos esse judicandos, quoad prolationem sententiæ, seu judicium approbationis, ut vocant. Hoc enim convincunt omnia testimonia adducta præcedentibus sectionibus, ut Matth. 25, 2 ad Cor. 5; neque in hoc occurrit aliqua ratio dubitandi. De judicio autem discussionis fere omnes etiam dicunt, non omnes Sanctos esse judicandos hujusmodi judicio, sed illos tantum qui imperfectum sanctitatis gradum attigerunt, et gravia peccata habuerunt bonis operibus admixta; non vero alias insigniores Sanctos, qui viam perfectionis tenuerunt, et super fundatum fidei aurum, argentum et lapides pretiosos superadficarunt. Et ratio discriminis est, quia discussio solum videtur habere locum ubi est magna permixtio bonitatis, et malitiae, ut, facta collatione et examinatione, constet quomodo malitia delecta sit, et bona merita apud Deum prævaluerint. Ubi autem nulla aut fere nulla est malitia admixta, non est necessaria discussio, sed solum meritorum approbatio. Hæc est communis et recepta doctrina in 4, d. 47, quæ sumpta est ex Gregor., locis citatis sect. 5, præsertim 25 Moralium, cap. 20, ubi sicut distinguit duos ordines reproborum, eorum, scilicet, qui judicantur et pereunt, et eorum qui non judicantur et pereunt, ita distinguit duos ordines electorum, eorum qui judicantur et regnant, et eorum qui non judicantur et regnant. Quam distinctionem Anselm. et Julian. locis citatis secuti sunt; eam etiam videtur indicasse Origen., homil. 21 in Nume-

ros, ubi ait, quosdam Sanctos sortite accipere hæreditatem, alios vero excellentiores et digniores, non cum cæteris numerari, sed ante omnem sortem sublimari, et ad quamdam singularem beatitudinis Christi participacionem extolliri. Sed (ut in superioribus dixi) difficile explicatu est quid rei subsit huic distinctioni. Videtur enim esse tantum quidem metaphoricus loquendi modus ad explicandam majorem quamdam facilitatem quæ ex parte ipsorum operum, aut respectu nostri, videtur esse major in ferenda sententia approbationis et salutis de quibusdam Sanctis, quam de aliis. Alioquin enim si consideremus hoc judicium, ut subest scientiæ Dei, et quantum fit juxta leges ab eo latas, non videtur futura major discussio in quibusdam quam in aliis. Quia (si absolute loquimur de statu gloriæ) ex justitia finali sumenda est certa et infallibilis regula salutis, et sententiæ approbationis ferendæ, sive multa peccata præcesserint, sive nulla. Si autem loquamur de gradu gloriæ, omnia opera pensanda et discutienda erunt, ut condigna retributio unicuique reddatur. Eo vel maxime quod disceptatio justorum (quæ Maith. 25 insinuatur) non est per modum excusationis et contentionis, sicut reproborum, sed per modum humiliactionis et demissionis; at vero hæc humiliatio perfectior erit in insignioribus Sanctis.

3. Ut ergo aliquid proferamus, in quo de re ipsa, et non tantum de modo loquendi possit esse controversia, suppono imprimis omnium justorum merita, propter quæ gloriam consequentur, esse in generali judicio promulganda, ut omnes docent sine controversia, et colligitur ex Matth. 25, Apoc. 20, et Dan. 7, et ex iis quæ dicemus, tam in hac quam in sectione 9, evidenter constabit. Sub eorum autem meritis comprehendo tam propria eorum merita, quam fructum meritorum Christi eis per sacramenta applicatum. Quia ratio sententiæ ferendæ, et æquitas divine justitiae his omnibus nititur, et quia merita Christi, postquam sunt applicata, quoad effectum efficiuntur quasi propria. Secundo suppono, quosdam esse justos qui nullum peccatum actuale in hac vita commiserunt, in quo ordine solum enumerare possumus beatam Virginem, et infantes justificatos, et de his satis congruente ratione dici potest, nullam in illis futuram esse discussionem; in infantibus quidem, quia nulla habuerunt opera; in Virgine autem, quia omnia, quæ habuit, fuerunt bona merita, quorum gloria et co-

piosa, ac distinctissima publicatio facienda est in judicio; sed illa non potest dici discussio, sed absoluta laudatio; nam discussio vel disceptatio dicit quamdam collationem bonarum et pravarum actionum, cum approbatione, excusatione, vel accusatione earum. Alii vero sunt Sancti, qui cum bonis meritis habuerunt aliqua peccata conjuncta, et in iis tunc videbitur fieri propria discussio vel disceptatio, si omnia eorum opera, tam bona quam mala, deferenda sint in judicium, ut mala vel excusentur, vel jam omnino deleta ac purgata esse, bona autem prævaluuisse, et præmio digna permanisse ostendantur. In hoc ergo sensu potest esse quæstio de re, an omnes justi, vel aliqui tantum, vel nulli judicandi sint judicio discussionis.

4. Prima sententia est, nullum justorum hominum esse judicandum judicio discussio in prædicto sensu. Quia peccata justorum non revelabuntur in judicio, sed tantum merita. Ita sentit Magist., in 4, d. 43; Viguerius, c. 21, § 3, vers. 8; et Somnus, tract. de Extremo judicio, c. 6. Fundamentum sumitur ex aliquibus locis Scripturæ, in quibus peccata semel remissa, tegi, occultari, deleri, et obliuioni tradi dicuntur; cui promissioni repugnare videtur, quod postea in universo hominum conspectu proferantur. Assumptum patet ex illo Psalm. 31: *Beati quorum remissæ sunt iniquitates, et quorum tecta sunt peccata;* ¶ Petr. 4: *Charitas operit multitudinem peccatorum;* Isai. 43: *Ego sum qui operio iniquitates tuas;* et c. 53: *Oblivioni traditæ sunt angustiae priores, et absconditæ sunt ab oculis nostris.* Ecce enim ego creo caelos novos, et terram novam, et non erunt in memoria priora. Ubi Hieronymus ita dicit exponi posse, quod in celo novo, et in terra nova, omnis conversationis pristinæ memoria deleatur, ne hoc ipsum pars malorum sit, prioris angustia recordari. Et Psalm. 50: *Dele iniquitatem meam.* Ubi Chrysost., hom. 2: *Si tu menor sis, Deus non erit memor; si tu ejus oblitus fueris, Deus ejus memorabitur.* Fecisti malum, memor esto, ut Dominus tuus illud obliviscatur, juxta id Ezech. 2: *Si impius egerit poenitentiam, omnium iniquitatum ejus non recordabor amplius.* Similia habet Bernard., ser. 55 in Cant. Et confirmatur, quia Sancti in judicio honorandi sunt et præmiandi; sed hæc peccatorum manifestatio non pertinet ad eorum honorem; immo nec videtur posse fieri sine aliquo rubore et dedecore.

5. Nihilominus dicendum est, omnia justi-

rum peccata, tam mortalia quam venialia, esse in judicio manifestanda. Ita sentit D. Thomas in 4, d. 43, a. ult.; et Bonav., a. 2, q. 2 et 3, et ibi communiter reliqui Theologi, Sot., d. 47, q. 2, a. 3, et est aperta sententia Anselmi in Elucid., et l. de Similit.; et significatur ab Augustino, in l. Meditat., c. 4, dicente: *Ecce coram tot millibus populorum nudabantur omnes iniurias meæ, tot agminibus Angelorum patebunt universa sclera mea, non solum actuæ, sed etiam cogitationes, simulque locutiones.* Similia multa habet Hugo Victorin., l. 3 de Anim., c. 23. Et probatur primo ex Scriptura, quæ absolute et sine exceptione affirmat omnium actiones esse in judicium deferendas; non ergo potest fieri hæc exceptio sine majori fundamento. Antecedens constat ex verbis Christi, Matt. 12: *Dico autem vobis, quoniam omne verbum otiosum, quod locutus fuerint homines, reddent rationem de eo in die judicii.* Ubi omnes Patres intelligunt positum esse exemplum in peccato quodam, quod levissimum appareat, ac frequentissimum, ut intelligamus multo magis esse reddendam rationem de omnibus aliis. Præterea id satis aperte docuit Sapiens, Eccles. ult.: *Cuncta, quæ sunt, adducet Deus in judicium pro omni creato, sive bonum, sive malum sit.* Et quamvis hoc explicari possit de judicio particulari, tamen et Scriptura frequentius loquitur de universalis, et Sancti docent, quidquid judicatum fuerit in particulari judicio, dijudicandum esse in universalis; et ita ibi exponit Hieronymus, conferendo inter se testimonia citata. Et idem confirmat Paul., 2 ad Cor. 5, dicens: *Referet unusquisque propria corporis, prout gessit, sive bonum, sive malum.* Et 4 ad Cor. 4: *Nolite ante tempus judicare, quoadusque veniat Dominus, qui illuminabit abscondita tenebrarum, et manifestabit consilia cordium.* Secundo, quia hoc pertinet ad perfectionem et integratatem illius judicii, et divinæ justitiae manifestationem. Nam, ut constet Christi judicantis et reddentis Sanctis præmium, justam esse sententiam, non sufficit quod isti habuerint merita; sed oportet ut constet illa permanisse viva, et omnia impedimenta fuisse sublata, atque adeo omnia mala, etiam in justis, fuisse vel misericorditer propter Christum remissa, vel condigne vindicata et purgata. Unde ad ostensionem etiam divinæ gratiae, et ad gloriam Christi hic judicandi modus spectat. Sicut etiam peccata reproborum, quæ in hac vita per poenitentiam delecta fuerunt, quamvis ille

rum punientia non sunt, in judicium illud deferuntur, ut divina justitia ac misericordia amplius manifestetur. Tertio, quia opposita sententia nullum habet verisimile fundatum. Nam imprimis, omnibus illis Scripturæ locis non promittitur vera ac propria obliuio peccatorum. Alioqui oporteret ut neque in divina memoria manerent, quia promittit Deus quod obliviscetur eorum. Et similiter oporteret ut neque ipsi Sancti, qui illa commiserunt, eorum recordarentur, quod est aperte falsum, ut constat ex Apoc. 20, quem locum sect. 9 exponemus. Et ad hoc propositum tractat illum Augustinus, 20 de Civit., c. 14, docens, in die judicii omnia, tam bona quam mala, esse in singulorum memoriam revocanda. Et Gregor., in Psalm. 88, dicit quod recordabuntur miseriarum præteritarum, ut in æternum misericordias Domini canant. Idem docet Lactantius, lib. 7, c. 22. In illis ergo Scripturæ locis per omnes illos dicendi modos significatur perfecta remissio peccatorum, quæ deleri dicuntur, quia macula eorum in anima non manet; *oblivioni autem traduntur a Deo*, quia jam eorum non recordatur, ut puniat; et eodem modo *tegi et occulti*, quia jam non provocant ad iram, neque sunt rubori aut dedecori.

6. *Publica delictorum manifestatio in judicio universalis Sanctis pudori aut tristitia non futura.* — Ex quo facile respondet ad confirmationem supra factam, quia, sicut memoria peccatorum non efficit dolorem aut tristitiam in beatis, ita neque eorum manifestatio pudorem aut tristitiam infert. Quod apertis exemplis convinci potest. Quis enim dubitet cognoscere Petrum vel Magdalenam quotidie in Ecclesia sua peccata publice prædicari, de quo non solum pudore et dolore non afficiuntur, sed etiam vehementer gaudent, quia in majorem Dei gloriam cedit. Item nulla infamia aut verum aliquid malum creaturæ Sanctis ex hac manifestatione; sed ipsi, cum rectissimi sint in omnibus, non possunt moveri, nisi ex apprehensione veri boni aut mali; ergo hac de causa nullo ex prædictis affectibus movebuntur, qui non sunt nisi fuga quædam imminentis et præsentis mali. Et confirmatur, quia tanta erit Sanctorum gloria et lætitia de penitentia pro peccatis acta, de remissione obtenta, deque admirabili ratione divinæ providentiae, qua factum est ut mala illis cooperentur in bonum, ut propter has etiam causas gaudeant, quod eadem peccata omnibus manifestentur. Quomodo enim possent

divina in eos gratia ac benignitas agnosciri, nisi eorum lapsus cognoscerentur? Aut quomodo poterunt omnia eorum merita, quæ per poenitentiam et satisfactionem pro peccatis consecuti sunt, omnibus nota fieri, nisi peccata, quæ fuerunt occasio et materia illorum meritorum, cunctis quoque innotescant? Plura in favorem hujus sententiae sumi poterunt ex his quæ in sect. 9 dicemus.

7. *Justi judicandi quomodo.* — Ex iis igitur constat, si discussio nihil aliud significet quam examinationem et collationem bonarum et malarum actionum, omnes Santos, qui aliqua peccata commiserint, aliquo modo judicandos judicio discussionis; quanquam dici possit hanc discussionem minorem esse futuram in iis qui tantum venialiter peccaverunt, quam in iis qui mortalia etiam crimina commiserunt; et similiter majorem futuram in iis qui plura et graviora admiserunt peccata, quam in iis qui pauciora. Et in hunc modum intelligi potest illud Soph. 4: *Et erit in die illa, scrutabor Jerusalem in lucernis.* Quæ verba eleganter tractat Bernar., ser. 55 in Cant., ubi *Jerusalem* nomine dicit, Prophetam designasse illos qui in hoc sæculo vitam ducunt religiosam, mores supernæ illius Jerusalem conversatione honesta et ordinata pro viribus imitantes. Quorum peccata occulta sunt nomine et habitu justitiae adumbrata: *Et idcirco (inquit) necesse erit subtili ea investigari discussione, et quasi admotis lucernis de tenebris in lucem prodi.* Possimus afferre aliquid et de Psalmo, ad conformatum id quod dicitur de scrutanda Jerusalem. Ait namque sub persona Domini: *Cum accepero tempus, ego justitias judicabo, vias justorum (ni fallor) et actus eorum discussurum se, et examinatum dicit.* Cum ergo postea Bernardus dicit, si nos in hac vita dijudicaverimus, postea non fore judicandos, de judicio damnationis loquitur.

8. *Responsio ad argumenta in oppositum.* — Ad rationes autem dubitandi in principio positas respondet. Ad primam, verbum *judicandi*, in Scriptura variis modis sumi, ut notavit Basil., hom. in Psalm. 7, in illud: *Dominus judicat populos.* Interdum enim in communis significat sententiam proferre post causæ examinationem, sive judicium sit condemnationis, sive absolutionis. Et haec videtur esse propria significatio, secundum quam dicitur Christus *judicaturus vivos et mortuos*; et hoc modo dicimus Santos esse judicandos. Interdum vero *judicare* significat idem quod con-

demnare, ut Psalm. 5: *Judica eos, Deus.* Et Joann. 5: *Qui vero mala, in resurrectionem judicii, id est damnationis.* Nam quia judicium est actus justitiae, et præcipue futurum est ad manifestandam divinam justitiam, quæ in reprobis potissimum exercenda est, ideo iniqui quasi per antonomasiam judicandi dicuntur. Cum ergo Joann. 3 dicitur: *Qui credit in eum, non judicatur*, sensus est, non condemnatur, scilicet secundum præsentem justitiam, aut si in ea perseveret. Sicut inferitus inquit: *Qui credit in Filium, habet vitam æternam; qui incredulus est Filio, non videbit vitam;* et c. 5: *Qui credit in eum qui misit me, habet vitam æternam, et in judicium non venit,* id est, in damnationem. Unde subjungit: *Sed transit a morte in vitam.* Sic Iren., l. 5, c. 27: *Qui credit in me (inquit) non judicatur, id est, non separatur a Deo; qui autem non credit, jam judicatus est, id est, separavit se metipsum a Deo voluntaria sententia.*

9. *Christus quomodo judicandus dicatur.* — Ad secundam respondet, etiam illos Santos, qui corpore et animo jam sunt beati, fore judicandos, quia, licet privatim judicati sint, oportet eorum causam ad publicum tribunal deferri. Nam etiam tempore judicii omnes Sancti erunt jam corpore et animo gloriosi, et nihilominus judicabuntur. Ad tertiam, jam explicatum est quomodo insignes Sancti judicandi sint; nec est inconveniens quod assesores Christi ab ipso judicentur, et cum ipso inferiores dijudicent, quamvis a Gregorio ii dicantur non judicandi, quia eorum causa breviter transigenda est, potius per modum approbationis et laudis, quam discussionis et examinationis. De Christo autem Domino non desunt, qui dicant etiam ipsum fore judicandum. Anselmus enim, in Elucidario, sentit universas Christi actiones et vitam esse in judicio omnibus manifestandam. Et ita exponit illud Apoc. 20: *Et libri aperti sunt, id est, conscientiae singulorum, et alias liber apertus est, qui est vita, id est, vita Jesu, in quo omnes quasi in libro legent quid de preceptis ejus vel fecerunt, vel neglexerunt.* Rursus per hanc vitam Christi manifestationem constabit evidenter infinita Dei misericordia, et justitia erga humanum genus, ad ipsius gloriam, et bonorum consolationem, et confusionem malorum. Hac ergo ratione quodammodo dici potest Christus seipsum dijudicaturus. Quod tamen potius metaphorice quam proprie dictum est, eo modo quo etiam ipse Deus in judicium venire dicitur, juxta illud Psalm. 50: *Ut justi- ficeris in sermonibus tuis, et vincas, cum ju- dicaris; et Joel. 3, ubi nos legimus: Et dis- ceptabo cum eis, hebreæ habent: Judicabor cum eis.* Et Isai. 43: *Reduc me in memoriam, et judicemur simul; narra, si quid habes ut justificeris.* De quo tractans Ambr., Psalm. 36: *Grave (inquit) est hoc judicium, cum Dominus de se postulat contra hominem judicari.* Quia revera Deum aut Christum hoc modo judicari, potius est, justius atque exactius homines judicare, causam suam magis magisque adversus pravos homines, et in favorem bonorum justificando.

SECTIO VIII.

Utrum Angelii, tam boni quam mali, judicandi sint.

1: Non est hujus quæstionis sensus, an sint Angelii Sancti judicandi quoad præmium essentialie ex operibus et meritis quæ in beatitudine gesserunt, ut Origenes saepius indicat, homil. 13 in Lue., hom. 20 et 24 in Numer., quem pie interpretatur D. Thomas, 1 part., q. 113, a. 7, ad 4, ex eodem Origene, hom. 11 in Numer., ubi ait futuros etiam Angelos custodes in judicio, non tam ut de sua custodia judicentur, quam ut sint testes ignaviæ ac negligentiæ hominum. Est ergo quæstio de judicio Angelorum, ex operibus et meritis quæ in statu suæ viæ habuerunt. In qua re est sententia satis vulgata, Angelos non esse judicandos, saltem quoad præmium et poenam essentialiem. Ita sentit D. Thomas hic, q. 59, art. 6. Negat enim judiciariam potestatem Christi ut hominis sese extendere ad Angelos, quoad præmium et poenam essentialiem; sed solum quantum ad ministeria eorum, et accidentalia præmia, vel supplicia quæ inde resultant. Et in 4, dist. 47, quest. 1, art. 3, questiuncula 4, apertius dicit, hoc judicium directe non pertinere ad Angelos, sed tantum indirekte, quatenus actibus hominum fuerunt commixti. Atque hanc sententiam amplectuntur discipuli D. Thomæ. Probari autem potest, primo, quia generale judicium de Angelis initio mundi perfectum est, unde omnes integrum præmium aut supplicium essentialie acceperunt. Secundo, quia Christus non est redemptor Angelorum; ergo nec futurus erit judex. Tertio, quia in Symbolo tantum profitemur Christum futurum judicem vivorum et mortuorum, et in Evangelio solum de hominibus profertur sententia: *Venite benedicti, etc..* Matth. 25.